

**ЎҚУВЧИ ЁШЛАРНИ ТЕХНОЛОГИЯ ФАНИ ЖАРАЁНИДА
МОДЕЛЛАШТИРИШ ҚОБИЛИЯТИНИ РИВОЖЛАНТИРИШ
(6-7 синф сервис хизмати йўналиши мисолида)**

Шоҳсанам Баратова, Махмуд Мухлибоев

Гулистон Давлат университети, Ўзбекистон

e-mail:mahmud64@mail.ru

Аннотация: Республикада таълим тизимини мустаҳкамлаш, уни замон талаблари билан уйғунлаштиришга катта аҳамият қаратилмоқда. Бунда мутахассис кадрларни тайёрлаш, таълим ва тарбия бериш тизими ислоҳотлар талаблари билан чамбарчас боғланган бўлиши муҳимдир. Ушбу мақолада ана шу ислоҳатлардан келиб чиқиб, умумтаълим мактабларида ўқувчи ёшларни технология фани жараёнида моделлаштириш қобилиятини ривожлантиришга оид услубий фикр-мулоҳазалар баён этилади.

Калит сўз ва иборалар: таълим-тарбия, ўқувчи, технология фани, моделлаштириш, мотивация, дарсдан ташқари машғулот.

Ҳозирги вақтда мамлакатимизнинг барча соҳаларида ислоҳотларни амалга ошириш, инсонларнинг дунёқарашини ўзгартириш, етук ва замон талабига жавоб берадиган мутахассис кадрларни тайёрлашни ҳаётнинг ўзи тақозо этмоқда. Республикада таълим тизимини мустаҳкамлаш, уни замон талаблари билан уйғунлаштиришга катта аҳамият қаратилмоқда. Бунда мутахассис кадрларни тайёрлаш, таълим ва тарбия бериш тизими ислоҳотлар талаблари билан чамбарчас боғланган бўлиши муҳим аҳамият касб этади. Замон талабларига жавоб бера оладиган мутахассис кадрларни тайёрлаш, Давлат таълим стандарти талаблари асосида таълим ва унинг барча таркибий тузилмаларини такомиллаштириб бориш олдимиизда турган долзарб масалалардан биридир. Ўзбекистонда олиб борилаётган ислоҳотлардан асосий мақсад, юртимизда соғлом ва баркамол, билимли, юксак мънавий-аҳлоқий фазилатларга эга бўлган авлодни шакллантиришдан иборат. Айнан ана шу

мақсадга эришиш учун бугунги кунда олий таълим муасасаларини бошқариш соҳасида хар бир раҳбар ходимлар ва профессор-ўқитувчилар норматив-хуқуқий хужжатларда назарда тутилган ўз хуқуқлари, мажбуриятлари ва жавобгарлигини билиши лозим.

2019 йил 29 апрелдаги “Ўзбекистон Республикаси Халқ таълими тизимини 2030 йилгача ривожлантириш концепциясини тасдиқлаш тўғрисида”ги ПФ-5712-сонли ҳамда 2019 йил 6 сентябрдаги “Профессионал таълим тизимини янада такомиллаштиришга доир қўшимча чора-тадбирлар тўғрисида”ги ПФ-5812-сонли ва 2019 йил 8 октябрдаги “Ўзбекистон Республикаси Олий таълими тизимини 2030 йилгача ривожлантириш концепциясини тасдиқлаш тўғрисида”ги ПФ-5847-сонли, Ўзбекистон Республикасининг “Бола хуқуқларининг кафолатлари тўғрисида”ги, Ўзбекистон Республикасининг “Ёшларга оид давлат сиёсати тўғрисида”ги, Ўзбекистон Республикасининг “Таълим тўғрисида”ги қонунлари ҳамда Ўзбекистон Республикаси Президентининг Олий Мажлисга Мурожаатномасида белгиланган вазифалар ижроси юзасидан қатор тадбирлар ва топшириқлар режаси ишлаб чиқилган.

Мухтарам Президентимиз Шавкат Мирзиёев ҳам ўқувчи ёшларни касб-хунарга йўналтириш уларнинг ўз бўш вақтларини унумли сарфлаш ҳақида гапириб, топшириқлар бердилар. Бу топшириқларнинг ижросини таъминлашда умумталим мактабларда ўқитиладиган Технология фанининг аҳамияти каттадир.

Шулардан келиб чиқиб ўқувчи қизларни ёшлиқдан катта ҳаётга тайёрлаш уларни касб-хунарли, билимли ва албатта интилевчан қилиб тарбиялаш ҳамда асосийси ҳаётга тайёрлашда Технология фанининг ўрни ва аҳамияти катта.

Технология фанини ўқитиш жараёнида ўқувчи ёшларнинг моделлаштириш қобилиятини ривожлантиришга хизмат қилувчи омиллар қуидагилар хисобланади:

- ёшларимизни ҳар томонлама етуклик интилиши учун шароитлар яратиш;

- *ўз фикрини ғоясини баён эта олишига йўналтириши;*
- *дунё ҳамжасиятидаги тенгдошлари билан рақобатлаша олишига замин яратиш каби хусусиятларини шакллантириши мақсадга мувофиқдир.*

Бунинг учун ўқитувчи педагоглардан алохида маъсулият ва билим талаб қилинади. Энг аввало педагоглар ўқувчи ёшларнинг қизиқиши, мойиллиги, хоҳиш идроклари ва имкониятларини ўрганиши ва шунга қараб йўналиш бериб боришлиари лозим.

Келинг биз 6-7 синф ўқувчи ёшларнинг дарс жараёнига яқинроқ кириб борамиз. Бу жараёнда ўқувчи қизларнинг моделлаштириш қобилиятини ривожлантириш устида ишлаймиз. Ўқувчиларга кўргазма сифатида либос тақдим этилади ва ҳар бир ўқувчи қиз ўз фантазияси асосида миллийлигимиздан келиб чиқсан ҳолда бу либосни ўзгартириши ёки янги эскизни чизиши мумкин бўлади ҳамда либосни яратишга киришадилар. Лекин ушбу юмушлар 6-7 синф қизлари учун оғирлик қиласмикан дастур режаларни кўриб чиқиши керакмикан деган фикрга бориб қоламиз.

Ёки Технология фанидан тўгарак жараёнида тўқувчиликни олайлик, ўқувчи қизларга кичик ёшдаги қизчаларга кийим тўқиши топширигини берамиз. Бунда ўқувчи қизлар ипларнинг рангини бир-бирига ҳамоҳанг қилган ҳолда танлашлари, кийим фасонини ўзлари яратишлари бир-бирлари билан фикр алмашишлари янгилик устида изланишлари мумкин бўлади. Хатоларини тўғирлаб, ютуқлари билан ўртоқлашадилар. Бу эса нафақат ўзларига балки бошқа ўқувчи қизларга ҳам Технология фанига қизиқишлирига бу фан орқали касб-хунар эгаси бўлишларига туртки беради. Бундан ташқари қизларимизнинг яратувчанлик қобилиятини ривожлантириб уларнинг келажакда шу касбни мукаммал ўрганишларига ёрдам беради.

Технология фани бошқа фанларга қараганда ҳаётимиз учун жуда зарур ва ахамиятли фан ҳисобланади. Зоро, биз бу фан орқали ўқувчи ёшларни оилага, ҳаётга тайёрлаймиз. Мактабни тугатгандан сўнг олий таълим муассасаларига

ўқишига киролмаган тақдирда ҳам касб-хунари орқали ҳаётда ўз ўрнини топишлари мумкин бўлади.

Технология фанининг қамрови катта бўлиб ўз ичига тикувчилик, тўкувчилик, ошпазлик, дуродгорлик, пайвандлаш ва бошқа бир қатор ўғил қизлар учун ҳаётда энг керакли касб-хунарларни мужассамлаштиргани билан аҳамиятлидир.

Бунинг учун ҳар бир Технология фани ўқитувчисидан психолог бўлиш талаб қилинади.

Агар биз шу вазифаларни уddyalай олсак ўқувчи ёшларимиз мактабни касб-хунарга эга бўлган ҳолда тамомлайди ва ҳаётга тайёрлигини намоён эта олади.

Олий ўқув юртларига кира олмаган тақдирда ҳам ўзини ва оиласини боқа оладиган жамиятда ўз ўрнини топа оладиган фуқаролар бўлиб етишади биз эса ишсизлик деган муаммони ечишига хисса қўшганлигимиздан хурсанд бўлишга хақли бўлиб юрамиз.

Булажак Технология таълими ўқитувчилари умумтаълим мактаб ўқувчиларига самарали педагогик муроқот олиб бориши учун металл, полимерлар, ёғоч, газлама материаллари ва қишлоқ хужалиги ишлаб чиқаришини асоси бўлган қишлоқ хўжалиги, озиқ-овқат маҳсулотлари, уларга ишлов бериш усуллари хамда уларни ўрганишдан ҳаётда нима наф тегишини ҳис қилиб амалда қўллай билиш қобилиятини ривожлантиришга хизмат қилишини чуқур англашлари шарт.

Ўқувчи ёшлар ўзларига керак бўладиган илм ва хунарнинг кўпини мактабдан оладилар. Шундай экан мактаб моддий техник базасини ривожлантириш муҳим аҳамият касб этади. Ачинарлиси технология фанини ўтиш учун қўп мактабларда етарли шароит яратилмаган. Бу эса ўз навбатида ўқувчи ёшларнинг касб-хунар ўрганишларига тўсиқ бўлмоқда ва фанга қизиқишини сўндиримоқда. Кўпгина мактабларда хона етарли, ўқитувчи мутахассислар бор, ўқувчилар қизиқади гап фақатгина мактабнинг моддий базасида қолган. Мактаб директорлари ҳам маъсулиятли бўлган ҳолда ўз

мактаби ўқувчи ёшларининг келажаги учун ҳаракат қилиши Халқ таълими туман бўлимларига мурожаат қилишлари хамда ўз мактабларининг моддий техник базаларини мустаҳкамлаш учун чоралар қўриши зарур .

Агар биз ҳар бир мактабда моддий базани шакллантира олсак ўқувчиларни хаётга тайёрлашга ўргатсак, улар етарлича касб ҳунарни эгаллаган ҳолда мактабни тугатишлари хамда катта хаётда ўз ўрниларини топишга кафолат бера оламиз.

Юртимиз келажаги учун хизмат қиласидиган етук кадрлар етиштирмоқчи бўлсак ўқитувчи педагоглар билан ота-онанинг алоқасини мустаҳкамлаш керак. Бу эса ўқувчи ёшларнинг руҳиятига ижобий таъсир ўтказади. Биз тарбиялаётган ўқувчилар эртага хаёт муаммоларини еча оладиган технология фанининг ривожига хисса қўшадиган етук кадрлар бўлиб етишишига ишонамиз.

Шу ўринда хулоса қиласидиган бўлсак ўқувчи ёшларни технология фани жараёнида моделлаштириш қобилиятини ривожлантириш учун уларга ижодий мухит яратиб, мустақил фикрлашни, кутилмаган ходисаларга тайёр туриб мослашиш каби хусусиятларини ривожлантириш керак бўлади

Яъни ўқитувчи педагоглар ўқувчиларнинг вазифаларни бажаришга мажбурлашлари эмас аксинча, бу фанга қизиқтира олишлари мотивация бериб йўналтиришлари лозим. Мустақил ишлашларига, ўз фантазияларини юзага чиқара олишларига йўл очиб беришлари мақсадга мувофиқ бўлади.

Фойдаланган адабиётлар

1. Мирзиёев Ш.М. Танқидий таҳлил, қатъий тартиб-интизом ва шахсий жавобгарлик – ҳар бир раҳбар фаолиятининг кундалик қоидаси бўлиши ке рак. Т: Ўзбекистон. – 2017.
2. Умумий ўрта таълимнинг миллий ўқув дастури лойихаси. Республика таълим маркази. 2020 йил.
3. Муртазаев М.З. Бўлажак технология таълими ўқитувчиларини кенг диапозонда ўз маҳоратини таъминлашни илмий услубий асослари. 2020, 130

бет. Монография. А.Қодирий номидаги ЖДПИ ИК қарори (2020 йил июл, 11-сонли қарори).

4. Воробьёв А.Н. ва б. “Мәхнат таълими” (комплекс 5-6-7 синфлар учун).
Тошкент. Ўқитувчи. 1991, 1992, 1993.

5. Муслимов Н.А. ва б. Мәхнат таълими методикаси ва касб танлашга
йўллаш. Шарқ 2014

6. Шарипов Ш. Қўйсиров О., Абдуллаева Қ. Технология. 7-синф дарслиги.
Тошкент. Шарқ. 2017